

Azir Osmanović - Završni magistarski rad

Fakultet/Akademija	FILOZOFSKI FAKULTET
Tip Rada	Završni magistarski rad
Kandidat, zvanje	Azir Osmanović
Naziv Teme	Ratni zločin nad djecom Srebrenice od 1992. do 1995. godine
Rezime/Abstract	<p>U vrijeme agresije i rata protiv Bosne i Hercegovine od 1992. do 1995. godine, u Srebrenici su počinjeni mnogobrojni ratni zločini uključujući i zločin genocida nad Bošnjacima. Ratni zločin počinjen je i nad djecom Srebrenice. Svi ratni zločini bili su planirani i organizovani u vrhu srpske političke, vojne, intelektualne, vjerske elite i provedeni od institucija tzv. Republike srpske i Republike Srbije (savezne Republike Jugoslavije). Ratni zločin nad djecom Srebrenice provoden je u kontinuitetu od 1992. do 1995. godine. Provodile su ga tzv. VRS i MUP RS, zatim JNA (VJ), MUP Republike Srbije, SDB Srbije i druge formacije. Srebrenica je od 1993. godine bila "zaštićena zona Ujedinjenih Nacija", ali bez obzira na to, međunarodna zajednica nije sprječila ratne zločine i genocid nad Bošnjacima. Od početka rata 1992. godine postojala je jasna namjera agresorskih snaga da unište muški dio populacije u Srebrenici. Meta agresora bili su uglavnom dječaci, ali su na različite načine ubijane i djevojčice. U toku 1992. godine na području općine Srebrenica, ubijeno je najmanje 94 djece. Od tog broja su 73 dječaka i 21 djevojčica. Agresor je bio toliko nemilosrdan da je ubijao i djecu u majčinim utrobama. Sva ubijena djeca su bošnjačke nacionalnosti. Osim toga, tokom 1992. godine ranjeno je najmanje 342 djece. Život djece u zaštićenoj zoni UN-a Srebrenica, od 1993. godine, bio je nepodnošljiv. Nedostatak stambenog prostora, granatiranje, glad, nedostatak pitke vode i otežano školovanje, samo su neki od problema sa kojima su se susretala djeца u Srebrenici. Tokom 1993. ubijeno 36 djece (24 dječaka i 12 djevojčica) i svi su bili bošnjačke nacionalnosti, a 1994., ubijeno je troje djece (3 dječaka bošnjačke nacionalnosti). U vrijeme provođenja genocida nad Bošnjacima Srebrenice u julu 1995. godine, i djeца su bila meta agresora. Dječaci su odvajani u Potočarima i kasnije ubijeni. Većina njih su strijeljani, a nakon toga njihova tijela premještana na nekoliko različitih lokacija u masovne grobnice. Neki od ratnih zločinaca koji su osuđeni za genocid bili prosvjetni radnici, kao npr. Momir Nikolić. Do jula 2019. godine je u Memorijalnom centru Srebrenica-Potočari ukopano 6.610 žrtava, od toga 436 djece. Njih 254 su sa područja općine Srebrenica, a ostali iz drugih općina Bosanskog podrinja. Najmlađa žrtva, i do sada jedino ukopano dijete ženskog spola, je tek rođena beba Fatima Muhić. Ostala ukopana djeca su muškog spola i svi su bošnjačke nacionalnosti. Svaka petnaesta ukopana žrtva u Memorijalnom centru Srebrenica-Potočari je dijete. Za kostima najmanje 254 djece, još uvijek se traga i nisu ukopana u mezarju Memorijalnog centra. U periodu 1992-1995. godine ubijeno je 827 djece (794 dječaka i 33 djevojčice). Tokom 1992. godine ubijeno je 94 djeteta (73 dječaka i 21 djevojčica), 1993. godine, 36 djece (24 dječaka i 12 djevojčica), 1994. godine, tri djeteta (muškarci), a 1995. godine, 694 djeteta (688 dječaka i 6 djevojčica).</p>
Datum	04.09.2019
Predsjednik	Dr. sc. Adnan Jahić, redovni profesor izabran za užu naučnu oblast „Savremeno doba“ na Filozofskom fakultetu Univerziteta u Tuzli
Mentor	Dr. sc. Sead Selimović, vanredni profesor izabran za užu naučnu oblast „Savremeno doba“ na Filozofskom fakultetu Univerziteta u Tuzli
Član komisije	Dr. sc. Izet Šabotić, vanredni profesor izabran za užu naučnu oblast „Novi vijek“ na Filozofskom fakultetu Univerziteta u Tuzli
Član komisije	-
Član komisije	-
Zamjenski član	Dr. sc. Bego Omerčević, redovni profesor izabran za užu naučnu oblast „Stari vijek“ na Filozofskom fakultetu Univerziteta u Tuzli
Dodatni detalji i lokacija	Javna odbrana završnog magistarskog rada obavit će se 04.09.2019. godine u 11:00 sati na Filozofskom fakultetu Univerziteta u Tuzli
Zavrsne Odredbe	Pristup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.